



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 38. Plures perversæ doctrinæ libri ab Atrebatensi Episcopo proscripti.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

animalium fordibus contaminentur: Sæc. XVII.  
A.C. 1703.  
Parochi vero in diebus festis in Parochialibus Ecclesiis celebrent, dummodo velo obtegantur, si autem hoc scissum est, & collapsa Ecclesia, tantum sereno tempore ibidem, turbido autem in decentiori loco Parochialium ædium celebrent. Denique cetera partis quartæ decreta Parochorum vitam & honestatem, Missionariorum obedientiam & Albanæ scholas respiciunt.

§. XXXVIII.

*Plures perniciosæ doctrinæ libri ab  
Atrebatensi Episcopo proscripti.*

Hoc item anno Atrebatensis Episcopus doctrinæ moralis puritatem conservandi studio animatus, edictum promulgavit, quo Patris Jacobi Platelii Jesuitæ *Synopsin Theologicæ practicæ* proscripsit, simulque alio edicto opera omnia moralia P. Georgii Gobat ejusdem Societatis censuris perstrinxit.

Die etiam tertio Octobris Parisiensis Universitatis Rector, Regis Franciæ jussu convocavit Philosophiæ Professores, eisdem declarans, Christianissimi Regis voluntatem esse, ut omnes decreto Anno evoluti sæculi nonagesimo primo contra undecim errores e Philosophiæ

Sæc. XVII. sophiæ scholis deturbandos morem gerent: Hoc autem decretum jam supra Lib. CCXI. pag. 34. adduximus, specialiter autem quatuor hæc propositiones Rex scholis eliminari voluit, scilicet. I. Æternitas Dei est successiva. II. Spiritus extensus est ita, ut totus extra totum sit, licet ejus extensio non tota extra seipsam omnino sumptam sit. III. Extra mundum quædam spatia positiva sunt, quæ ab immensitate Dei non distinguuntur, quare Deus revera est extra cælos. IV. Locus sumitur ex comparatione cum immensitate Divinitatis: tota extra se ipsam totam posita est.

## §. XXXIX.

*Petri Bonzii Cardinalis obitus.*

*Vit. Card.*  
t. I. p. 27.  
*Vid. supra*  
*lib. 64.*

Obiit hoc anno Petrus Bonzius Cardinalis in Etruria quidem natus, sed in Galliis enutritus, qui omnibus amabilis, colloquio jucundus, moribus gravis & comis, atque prudentia eximius, apud Mariam Medicæam Franciæ Reginam plurimum gratia valebat, ejusque opera a Ferdinando II. Magno Etruriæ Duce Orator apud Aulam Francicam renunciatus, Cosmi III. nuptias cum Aurelianensi Principissa conciliabat. Obeunte ejus Pa-  
truo